

鄱縣志卷三

知縣事申江林愈蕃纂修

地理志下

里都

興文里 在治東

霞陽里 在治東

迎恩里 在治南

常平里 在治南

安濟里 在治西

康樂里 在治西

鄱縣志

卷之三

地理志

里都

十七

鎮武里 在治北

一都 在治西二十里

二都 在治西二十五里

三都 在治西三十五里

四都上 在治東十里

四都下 在治西十里

五都 在治南十里

六都 在治南五里

七都 在治南六十里

八都 在治南一百里

九都 在治東四十里

十都 在治東六十里

十一都 在治東四十里

案自宋分縣祇有康樂霞陽常平三鄉之名後析三鄉而為七里析康樂之近城者為安濟析常平之近城者為迎恩析霞陽之近城者為興文鎮武後又析七里而為十一都一二三都屬康樂自城西安濟而分列之五六七八都屬常平自城南迎恩而分列之九十都十一都屬霞陽自城東興文而分列之凡此六里十都距城漸遠或二三十里或六七十里或八十九十一百有餘里皆順地編次長短不等惟鎮武距城祇一里許即為高山與各里不相交錯至於四都上屬興文下屬安濟亦距城稍近若在城之地向未另編字號各隨其地所近而統於里都總之七里十一都雖增其名猶是三鄉之舊壤也

市鎮

石子壩市 在城東十五里

沔渡墟 在城東三十里

九都墟 在城東三十里

鄠縣志

卷之三

地理志 里都 十八

福口市 在城東四十五里

十都墟 在城東五十里

頭巾石市 在城南十里

水口墟 在城南五十里

梅江市 在城南七十里

中村墟 在城南八十里

石鼓市 在城西十里

河漢市 在城西十五里

霍家市 在城西十五里

甲南市 在城西二十五里

鄱縣志

卷之三

地理志

市鎮

十九

龍爪石市 在城西三十里

夾石市 在城西三十里

大陂頭市 在城西四十里

同睦市 在城西五十里

冢墓

以朝代為次

晉尚書歐林啓墓 在縣西一都紫荆園居民積土成阜

植樟樹一本大十餘圍冢墓埋沒數百年乾隆二十年

大風拔樹見碑字跡猶存人以爲歐公之靈云

唐左殿大將軍譚進頗墓 在縣西康樂鄉二都

宋大理寺評事段昇墓 在縣西炎陵前一里許昇寄籍

江西吉安府永新縣致仕後徙居康樂鄉檢田洲歿葬於此冢墓巋然有碑可識今其的派繁衍

宋德陽縣知縣陳正卿墓 在縣東四都

宋河南鞏縣知縣李元亨墓 在縣南坂溪

元廣東按察司副使段攀龍墓 在縣西一都

元勅授管軍元帥段清遠墓 在縣西二都

明雲南永昌府保山縣知縣譚文端墓 在縣南六都

明北京豹韜衛經歷劉賢墓 在縣北螢火冲

明貴州普安州大守陳翔墓 在縣西一都龍甫

明江西瑞州府教授譚如春墓 在縣南六都坂下

鄱縣志

卷之三

地理志

冢墓

二十

明南京中書科舍人陳素墓 在縣治東城外

明雲南昆陽州知州吳汝諧墓 在縣北寨背

明廣西桂林府興安縣知縣譚元正墓 在城東上四都

牛鼻壠

明誥贈廣東按察司副使劉泰墓 在縣治南城外

明四川重慶府綦江縣教諭劉廷贊墓 在板江壠

明江西南昌府豐城縣丞後署縣事劉廷金墓 在縣治

東城外一里許俗名郎官地

明廣西思恩府上林縣知縣羅嘉慶墓 在縣北一里許

明太僕寺少卿劉穩墓 在縣南石壁寺側墓前有三朝

宣力名臣坊柱聯云九重恩渥金章煥萬古名存草木香

明浙江杭州府餘杭縣知縣陳啟明墓 在縣治東城外

明四川嘉定州州同譚紹賢墓 在城南石壁寺

明寶慶府邵陽縣教諭譚體觀墓 在縣北演武亭前

明永州府永明縣教諭譚光哲墓 在縣北演武亭前

明四川夔州府奉節縣知縣譚楚良墓 在縣東二里許

明永州府教諭譚光容墓 在縣南六都黃竹廟

明寶慶府邵陽縣教諭譚宗廩墓 在縣西康樂鄉夾石

嶺

鄱縣志

卷之三

地理志

冢墓

二十一

明貞女彭氏金蓮墓 在縣西康樂鄉墓頂生梅一本氏

十月初一生辰屆期花發香聞數里至今猶然俗呼為

梅花冢

國朝進士扶道宏墓 在縣治南城郊外六都黃沙壠

戶口

興文里烟民共六百九十九戶男一千六百三十五名女

九百六十口男女共二千五百九十五名口

迎恩里烟民共八百七十七戶男一千九百八十八名女九

百二十六口男女共二千九百零六名口

安濟里烟民共八百八十八戶男二千四百零八名女一

千二百八十四口男女共三千六百九十二名口

鎮武里烟民共三百四十四戶男六百五十五名女三百五十七口男女共一千零一十二名口

康樂里烟民共五千六百八十七戶男一萬三千七百二十名女七千二百九十六口男女共二萬一千零一十六名口

常平里烟民共五千五百三十六戶男一萬七千二百三十五名女九千二百零八口男女共二萬六千四百四十三名口

霞陽里烟民共四千八百七十戶男一萬四千三百七十八名女八千零七十八口男女共二萬二千四百五十六名口

以上七里通邑合計烟民壹萬捌千九百零壹戶男五萬貳千零壹拾壹名女貳萬捌千壹百零九口男女共捌萬零壹百貳拾名口

附 徭民烟戶

徭四團共壹千壹百叁拾叁戶男叁千柒百捌拾八名女貳千貳百七拾七口男婦共陸千零陸拾五名口

蕃按民爲邦本古聖所重戶口之增減關氣運之盈虛而政理得失物力豐耗卽見於此我

朝承平日久休養生息兆姓繁滋雖以鄱僻在一隅亦復烟火萬家蒸蒸向化斯

列聖六府孔修九功惟叙之明效也顧他志人丁或止見賦役其有載者又多僮侗合計未嘗逐里區分茲按本歲新設門牌數目以里統戶男女分書每一里爲一小總數合衆里爲一大總數覽者按里而稽若網在綱有條不紊而保甲之需人社倉之貯穀鄉塾之作師其措置多寡皆瞭如指掌而變化可生心焉然則戶口之載豈僅彰史筆體裁誇生聚衆盛已哉

鄱縣志

卷之三

地理志

戶口

二十三

風俗

禹貢荊州厥土塗泥

漢書地理志火耕水耨民食魚稻以漁獵山伐爲業果蔬羸蛤食物常足故啗窳偷生而亡積聚飲食還給不憂凍餓亦亡千金之家信巫鬼重淫祀

杜氏通典荆楚俗多勁悍

湘中記民多淳樸士少宦情

南齊州郡志湘川之奧人豐土闢

方輿勝覽俗尚農桑民知教化

宋歐陽文忠公集元氣之融結爲山川山川之秀麗稱衡

湘其蒸爲雲霓其生爲杞梓人居其閒得之爲俊傑
輿圖記地僻民淳事簡易治

明李西涯懷麓堂集云好學慕義出乎天性

風土記湖湘閒賓客燕集供魚清羹則衆皆退

舊志鄱俗尚淳樸敦禮讓以耕織爲本業不事商販急
公稅無抗糧積逋之憂貧不興訟獄無繫囚近因四方
雜處土關人滿各自爲俗好鬪健訟亦竟不免賴長吏
政清法嚴始少戢焉

鄱處萬山中不惟四時晴雨寒暄每有不齊卽一月之內
一日之間亦涼炎頓異如冬時平地陰雨而高山積雪

鄱縣志

卷之三

地理志

風俗

二十四

寒露後宜漸涼有時炎蒸似夏夏初方熱霎時又涼如
秋其或霪雨亢旱風颺違時氣鬱爲瘴山谷之民多傳
染成疾城鄉平衍之區頗得免焉瘴多起於秋蔓衍於
冬至嚴寒時始解氣候不齊調攝尤重卽畜牧種植土
民亦保護至周云

元旦鷄初鳴咸盥漱服鮮潔衣服擇吉時爆竹啟門設香
燭酒果祀祖先及常祀之神禮拜尊長男女老少亦互
爲酬拜士庶以吉祥語書紅牋名曰試筆黎明擇吉方
出行戚友鄰曲彼此往來更相慶賀是日禁灑掃占風
喜東南以上歲稔

上元自人日至十五止作龍燈竹馬獅戲之類鑼鼓喧鬧
歌舞徹宵輕薄子或至角鬪生非其閒禮法之家禁約
子弟不使得預者亦有一二焉節內擇吉搗米粉作雞
猪牛犬形祀天官神謂之祈福

清明男女皆插柳於頭祭祖於家廟備酒餚掃墓掛紙錢
新葬者哭拜盡哀是日以晴爲吉占有清明晴穀雨霖
之諺

端午戶懸艾蒲搗蒜汁水灑地以辟蟲毒研雄黃酒飲之
且塗小兒額煎百草湯以浴浴竟灼火謂可却病先
日傳送角黍謂之探節

鄱縣志

卷之三

地理志 風俗 二十五

六月六晒書曝衣農則禳田是日占候忌陰雨則草木不
茂農民有六月六日陰牛糧貴如金之謠月內早稻熟
擇龍兔日設酒餚報神祀先祖畢畱客設席謂之嘗新
中元先於初十夜拜迎先祖於庭設香案牲醴進茶供飯
五日封冥衣楮錢焚之門外各宗祠街坊於十五夜延
僧詣曲巷及墻閒遍化小衣

中秋節前鄰戚以月餅雜他物更相饋遺十五夜飲酒玩
月坐待月華陰晦則來歲元宵必雨

重陽飲茱萸菊花酒尋勝登高是日占喜雨宜晚禾又主
來秋稔忌西北風主來歲歉東北則豐

十月朔祀先塋如清明

冬至土俗不甚重惟各宗祠宰牲祀先祖掃墓焚紙錢如清明例居民常以是月占來歲上半載米價及肉價朔一二望一二廿一二俱喜晴明主價賤遇風雨則貴有風打秤雨打斗之諺

小除十二月二十四日先晚設酒果衣楮雲馬祀竈神次日則謝神安土掃舍宇塵是晚城市鑼鼓偕作合家歡飲號小年節

除夕門戶遍貼門神錢紙新丹聯換桃符辦羹飯牲酒謁神廟祀祖先大小聚席謂之團年或徹夜不昧謂之守

鄞縣志

卷之三

地理志

風俗

二十六

歲爆竹達旦凡一年一切稱貸俱於此日索償謂之鐵門限閒有寬厚長者矜恤貧窘亦不拘是限焉

鄞邑禮節三加之禮罕有講者惟子弟娶婦者前一日具新衣冠拜見尊長尊長賜以酒曰賀新郎

蕃按冠者所以責成人之道於其人其禮最重司馬文正公十五而冠之論及朱子家禮所載儀節皆簡易可行患流俗廢棄殆盡無由因其明而通其蔽耳今觀將昏之前冠帶見尊長一節猶然餼羊遺意也好禮者推而行之冠禮之復也其庶幾乎

婚嫁擇門戶相當不論財賄禮典則貧富各稱有無媒妁
通言後倣古納采問名之意選期交庚男家先書子婿
年庚於箋媒氏致之婦家婦家隨書女子年庚於牋復
於男家牋俱用紅但以男女二字別之將婚之年倣古
納吉納徵遺意先期過聘以布帛冠珥果酒豕羊之屬
致於女家次卽擇吉報期女家俞允以書籍墨硯冠履
酬之婚期婿家飾旗綵花輿以鴉代鴈鼓吹至婦家陳
花燭酒醴祀於其堂是親迎雖廢而奠鴈之遺意猶存
也新婦至門卽入帷房俟來使舉衣冠昇新郎服畢男
左立婦右立並拜祖先次對拜旋拜舅姑伯叔名曰拜
用巫祝堂諸土俗亦或行或不行焉

鄞縣志

卷之三

地理志

風俗

二十七

堂亦倣古見翁姑及廟見之意至若鋪粧奩宰豬攔門
喪葬初喪寢門大門各處燃燈曰引路旋鳴鑼導孝子於
溪泉閒請水浴死者身以生時之冠服裝斂間亦有用
大斂者召僧道作科曰開路設靈席銘旌置木主朝夕
哭奠陳生時玩好器用具計聞於戚里告成服成服之
期主人三日前備布麻多寡視服之輕重分送於族戚
并治酒筵相款弔者亦以餽饌奠靈事畢則移棺於堂
側延堪輿卜葬地泥風水者則停柩一二載及至葬先
召僧道誦經懺作頌赦完錢等科以爲超度致素束於

親朋告以發引期名曰開堂諸親朋亦備奠儀輓言致奠若富厚家主人多辦牲豚隨親疎遠近來奠者或一日二日主人稱來儀之數酬以帛儀葬不用明器凡衣冠輿馬方相及男女侍僮之屬咸以紙篋爲之姻戚又各結綵亭或裝扮故事以導輜車鼓吹盈耳幡旒迷目主人亦不量力之勝不勝各酬以豚肉重輕不等至於與易寧戚致哀而止附身附棺必誠必信不惑於僧道不移於流俗則存乎當事者之移風易俗與鄉先生之敦厚好禮者焉

鄉俗不講虞祭以七七日期年再期稱力備儀燒紙

鄆縣志

卷之三

地理志

風俗

二十八

錢奠酒哭拜盡哀除服則已遇祖考生辰忌日必有薦四時之祭俱行於家廟若入學登科拜官焚黃則兼詣墓側備牲設樂延賓贊相拜獻如禮

邑俗衣冠宮室宴會徃昔共安簡樸近則文繡輕裘茂視布褐棟宇巍煥多尙華美喜慶筵席器美品多點綴珍錯雖中下之戶必以十簋十二簋爲率婦女以瓜果刻雕花魚鳥獸蜜漬日曝營辦茶食婚喪尤以侈靡相競糴大約昇平日久由樸而華積漸成風返淳還樸是所望於當事者

俗信鬼遇疾病服藥三四日外輒用巫晉香燭設醮以禳

焉小兒出痘則禱痘母曰供娘娘裝紙馬轎牲果酒醴
爲常徃者客民流傳茅山一教男裝女巫鑼角喧雜昧
者謂可以辟邪却病徃徃信之邇來 功令森嚴教化
淪泯讀書明理者多其俗漸革無復蔓延焉
鄙多抱養義子雖家有嗣丁又畜義男以圖服役然因分
田產爭錢財徃徃訐訟成讎實爲澆俗

俗好演戲每歲夏間斂錢搭臺演唱多日謂之保人口
蕃按演戲一事略言有六弊焉首事持簿三五成
羣逐戶斂財名曰公分貧家坐受凌逼忍氣吞聲
以應一也婦女雜沓出身露面輕薄子弟旁睨邪

窺傷敗風俗二也晝夜聚觀廢時失事三也招惹
匪人開場賭博城鄉無知被誘徃徃蕩產破家四
也羣飲角鬪釀成命案五也流連戲場家無經理
姦盜時聞六也予下車時有以戲場鬪傷報者卽
揭示諭禁聞者頗目爲迂謂戲以粉飾太平不宜
禁絕竊意居官者奉職循理政簡刑清盜靖民安
獄訟衰息斯太平有象也若演戲實爲風俗之蠹
亦奚取此粉飾乎欣逢 郡伯李憲臺自常調衡
洞悉衡屬演戲諸弊檄示下縣嚴禁大戲蕃因仰
體明訓益勵提撕擊鼓鷺羽之風頗爲一變因戲

滋生之案得以全消而闔邑士民亦陰食太平之福而不自知矣 憲示訓誡嚴明指點親切謹編事紀用警贖孽並附論於此俾覽者知張弛要以宜民因革歸於善俗固無取苟異亦奚貴苟同得爲而爲自有諒者豈若粉飾外貌似是而非之俗吏爲漢孝章所厭苦也哉

方言酒卮曰杯酒饅曰瓮百沸水曰穿心滾不舒展曰齷齪相上好者慶幸也黃眼者憎惡也懔懔懂懂者謂人昏不悟也曰那裏問在何處也曰谷裏應在此地也有微恙曰不新鮮飾體面曰大排場少停曰息憩大甚曰

鄞縣志

卷之三

地理志

風俗

三十

何苦謂人放潑曰尤賴謂日將午曰茶時稱女之小者曰妹子稱男之小者曰來子音如來字上聲畫得樣說可以起勢也難出水云不能落成也倚倒假意也頂真的確也倔強談人不順理也混賬斥事欠分明也稱惡少曰濫子又曰婪子言濫惡而貪婪也叔曰椒老兄曰况老皆增其字旁而稱之也對人稱妻曰賤內又曰屋裡個呼母曰媪嬾媪音襖今呼哀上聲媪委聲相近嬾音迷今呼濟亦音轉之譌至於語近古而有據者如言人聽話不省曰耳邊風杜荀鶴詩百歲有涯頭上雪萬般無染耳邊風言人疎漏曰不耐煩庾炳之傳爲人強

急而不耐煩言冬乾之脯曰臘肉易噬嗑噬腊肉又周禮腊人掌乾肉言日閒小食曰點心唐史鄭僉夫人云我未及餐爾且可點心說人見理不明曰怩忽老子道之爲物惟怩惟忽說人不會語言曰鉗口結舌顏真卿疏天下之士方鉗口而結舌說後三日爲外後日唐逸史大歷中裴老傳乃有此語呼祖母曰孀孀音乃乳也亦老成通稱尊之如乳養之母也呼父曰八八音譌霸通雅云外國語稱巴巴仙傳唐肅宗時道士陶八八以丹授顏真卿蓋老成之稱呼父之兄曰伯霸釋名伯與霸同伯把也把持家政也霸亦把也國語注把持諸

侯之權呼女子之賤者曰丫頭劉賓客詩花面丫頭十二三呼子曰崽崽音宰水經注變童卅女弱年崽子凡此皆方言之有意義可稽者也以上皆就鄙現在方言兼考文苑彙雋及彭非罪文集震澤志諸書節錄參詳而或故不別所出非掠美也譚泰級記

附猺民風俗

按猺與苗種類各別鄙無苗惟有猺二種近日飲食衣服俱與漢民同惟婦女服飾婚娶迥異高山猺女未婚配髻前橫小竹箭七根已婚配五根生子後惟留一根終其身不改焉平地猺婦女以帛裹頭前後多綴五色線小結略如垂珠狀二種猺有女皆贅壻於家壻棄己姓

從之與同力作均勞逸生數子後乃得去

鄮二種搖語言皆如鳥音外人不能省其與外人言則與漢音同

搖俗好跳神家頗饒三年必賽神一次會集族類宰牲設祭男女權跳歌舞三五日乃散神位多在右偏云置當中則家道不利所供畫像卽今服飾惟始祖則形甚怪畧如獸首云

署縣陳膺笏記云鄮獠有二種一曰高山獠一曰平地獠高山獠盤瓠之後踞東南大山中蓬頭跣足露胸惟髻繡帕覆首或用金環飾耳及腕言語迥異男女並作行

鄮縣志

卷之三

地理志

風俗

三十一

山上捷若猿猱節序婚嫁不用漢民禮儀明末乘輿寇掠多係此種我

朝沛恩招撫流亡竄入又有名平地獠者其始佃種營生後漸置產兼及詩書故有觀化社學之設康熙間奉例與考每歲科兩試應取搖生一名准與土著諸生一體應試風俗好尙亦畧相等因有新童新生之稱雖同編里甲不通婚媾往來然二種近多不事詩書數十年來無與選者仰惟承平日久搖民生齒漸繁端賴賢有司實力防範而以詩書禮義漸摩之庶可化椎魯樸鈍之性共遊於衣冠文物之中舊志闕而不載茲畧具巔末

俾拊循者知所究心焉

蕃按鄯徭性頗淳樸徃者不免健訟皆漢民教唆
侵擾之或官吏撫綏未善控馭失宜所致司土者
誠能克己清心絲粟皆不妄取并嚴禁胥役輕入
稽查漢奸滋事教唆者必窮其源侵擾者務繩以
法其徭管保牌以事至者卽與宣揚

聖朝恩威 各憲禁令諭以禍福動以身家又擇其子弟
之秀者勸令向學毋甘自棄俾其既知所畏又知
所感則徭民風俗必有潛移默化蒸蒸日上
異而不知爲之者矣苟謾無區處或且迫之則雖

鄯縣志

卷之三

地理志

風俗

三十三

漢民有未知其所終者而况於徭乎爲上者尙毋
以徭愚爲可欺徭頑爲難教而務所以輯寧訓化
之也哉

終